



Komunikadu da Imprensa

Periodu: Fevereiro 2011

Edisaun : 22 Fevereiro, 2011

JSMP Realiza treinamentu ba joventude iha Suco Bahalara - Wain Distritu Viqueque

Iha loran 16 fulan Fevereiro 2011, Judicial System Monitoring Programme ka JSMP liu husi Unidade Justisa ba Feto ka WJU, realiza treinamentu ba grupu joventude no grupu lider comunidade balun iha Suco Bahalara-Wain Sub Distritu viqueque Villa, Distritu Viqueque. Treinamentu ne'e ho titlu *Jéneru husi prespetiva Direitu Penál no Prosesu Penál inklui Lei Kontra Violénsia Doméstika*.

Partisipante ba treinamentu ne'e mai husi representante joventude no nia membrus sira. Aleinde joventude, treinamentu ida ne'e partisipa mós husi lider comunidade balun hanesan xefe aldeia, ne'ebé ho total partisipantes hamutuk ema nain 22.

Diretór Ezekutivu JSMP *Luis de Oliveira Sampaio hateten katak*, objetivu husi treinamentu ne'e nu'udar parte ida husi aktividade desiminasau informasaun ba comunidade, partikularmente ba grupu joventude feto, ne'ebé maka kaer mós papel importante iha sosiedade, nune'é atu aumenta sira nia koñesimentu ba leis relevantes hirak ne'e. Nune'é bainhira akontese kazu balun sira bele kompriende mekanismu no prosedimentu kriminál hodi prosesu kazu tuir sistema justisa formál.

JSMP fiar katak atraves husi atividade treinamentu ne'e partisipantes barak bele kompriende oinsa atu prosesu kazu hanesan violénsia bazeia ba jéneru nomós krime sira seluk liu husi sistema justisa formál. Iha parte seluk husi representante joventude haktuir katak atividades hanesan ne'e presiza dizamina imediatamente ba comunidade en jerál nune'é bele reduz aktu krime violénsia doméstika no violénsia seksuál.

Aliende ne'e partisipante mós ható sira nia rekomendasaun ba parte competente hanesan Parlamentu Nasionál atu halo konsultasaun ba lei hotu ne'ebé produz imediatamente ba comunidade iha área rurál nune'é comunidade rasik bele kompriende no bele refleta duni ba comunidade nia interesse. Sira mós rekomenda ba parte Ministériu da Justisa ba divijaun relasaun públiku ka divulgasaun nian nune'é bele halo divulgasaun ba lei sira. Husu mós ba atór

judisiariu liu-liu hanesan polisia ne`ebe` tuir lei bele proteje no asegura direitu sidadaun nian atu implementa lei no orden tuir prosedimentu legál ne`ebe` iha.

Tuir observasaun JSMP katak, partisipantes sira entuziasmu tebes hodi rona esplikasaun nune`e` husu perguntas ba fasilitador sira. Iha parte seluk partisipantes sira rekomenda ba JSMP nune`e` nafatin kontinua halo treinamentu ba comunidade iha área rurál atu nune`e` sira bele hatene prosesu legál ne`ebe` iha.

Atu hetan informasaun kle`an, favor kontaktu:

Luis de Oliveira Sampaio

Director Ezekutivu JSMP

Email: luis@jsmp.minihub.org

Landline: +670 3323883/7295795

Website; www.jsmp.minihub.org